



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotae.

Leroy, François

Pragae, 1666

§.1. Comitatum hunc, seu societatem, Christo Domino perpetim
adhæsisse.

[urn:nbn:de:hbz:466:1-47123](https://nbn-resolving.org/urn:nbn:de:hbz:466:1-47123)

Quod in rem presentem interpretans B. Prosper: *Quid est, ait, ambulare, sicut ille ambulavit: nisi contemnere omnia. l. 2. de vir. prospem, qua contempfit, non timere adversa qua pertulit? contr. c. 20.*

CAPVT VIII.

De tribus indiuiduis Christi Domini comitibus; Paupertate, Doloze, Contemptu.

§. I.

Comitatum hunc, seu societatem, Christo Domino perpesim adhasisse.

Occasionem huic considerationi atque argumentum præbuit, quod in vita R. P. Balthazaris Alvarez legitur, viri ex Ordine nostro sanctissimi; qui S. Matri Teresæ *Vit. P. Baltz c. 12.* fuit à sacris Confessionibus, & cujus hæc ope atque operâ multum se in animi sui rebus adjunctam libens fatebatur.

Is igitur uti assidue Christum crucifixum habebat præ oculis, & vitæ ipsius ac mortis mysteria intento studio contemplabatur: ita præcipuo ac singulari animi sensu meditari solebat, tres (ut appellabat) indiuiduos Christi comites, ut qui illi ab ipso Præsepi ad extremum usque spiritum continenter adhæserint; Paupertatem scilicet, Doloré & Contemptum. Eoq; referebat illud Prophetæ in Christi persona dicentis: *Pauper sum ego, & in laboribus à iuventute mea; exaltatus autem, humiliatus sum & conturbatus.* Quibus verbis dicebat proponi viam, quam Salvator noster in omni vita tenuit; paupertatis nimirum, doloris, atque contemptus: Quos ille comites adeò familiares & intimos habuerit, ut unâ cum illo de utero egressi, cum ipso pariter pe-

0002

atatis

ætatis incrementa crescerent, usque dum sub vitæ extenuatione eam absolutionem ac perfectionem acciperent, ut jam appareret ad summum denique pervenisse, neque quidquam esse, quod eis ultrâ addi posset.

Itaque vir sanctus, Magistri sui imitandi desiderio, eundem sibi comitatum assumere, & per omnem vitam constantiter retinere, atque colere instituit: solitus etiam hoc Christi asseclas & publicè & privatim sic commendare, ut audientes ad dicentis ardorem obstupescerent, simulq; ad earundem rerum amorem vehementer inflammarentur.

Cæterum ante Patrem Alvarez, eundem in modum invenio philosophari solitam sanctam Viduam B. Angelam de Fulginio: sive hic ab ipsa forsan hauserit, sive idem Dei Spiritus, qui utriusque mentem ac sensus agitabat, eandem utrique cogitationem injecerit. Dicebat autem speciatim B. Angela, hanc esse societatem seu comitatum, quem Pater æternus filio suo in mundum prodeunti, ab ipso primo sui conceptûs momento attribuerit; summam paupertatem, summum dolorem, summum despectum: atque eos, qui hæc ipsa ament, eundemq; sibi comitatum asciscant, accepisse se divinitus, esse legitimos & electos Dei filios, eosdemq; videri esse de intimis ejus familiaribus, ut qui eadem cum illo scutella edant, & ex eodem calice bibant.

Quas etiam res B. Angela quantopere cordi haberet, vel illud indicio est, quod non modò in vita eas studiosè et identidem dilectis suis in spiritu filijs commendare instituerit, sed etiam moriens, velut omnem censum suum ac opus testamenti reliquerit: *Relinquo*, inquit, *vobis totam hereditatem meam, que etiam est Christi JESU, scilicet paupertatem, dolorem, & despectum, vitam videlicet Christi.* Quo etiam factum est, ut circa ipsius imaginem, instrumentum passionis Christi arctè ac piè complectentis, lemmatis inscriptis adscribatur: *Summa paupertas, summus dolor, summus despectus.*

Eadēq; phraſi S: Cyprianus de Chriſto loquens: *O-* lib. de pati-
mnes, inquit, aſtus ejus ab ipſo ſtatim adventu, patientiā co- ent.
mite ſignantur. quod videlicet tres iſtos aſpectus in comi-
 tatu ſemper habuerit; quibus, opinor, rebus tota patienti-
 a materia contineretur. Et rectē ab ipſo ſtatim adventu
 hunc ei patientiā comitatum aſignat: quippe qui & in ſta-
 bulo naſcitur, per contemptum exclusus diverſorio; & in
 præſepi reclinat, tanquam è ſinu matris in gremium dile-
 ctæ paupertatis effuſus; & frigori jam tum ac reliquis natu-
 ræ incommodis obijcitur, ut nunquam eſſet ſine dolore,
 poſtea vir, nunc infans dolorum, & jam tum ſciens infirmi-
 tatem.

Exprefſius autem S. Bernardus, tres iſtos comites no-
 minatim deſignans, ait: *Vix natus eſt, cæli gloria, cæli divi-* De paſſ. Do-
tia, cæli delicia dulcis JESUS; & ecce recenti ortui, crucis min. c. 36.
ignominia, crucis dolor, crucis paupertas copulatur. Porro
 incommoda, quæ ab ortu ſuo ſufferre cœpit Salvator, igno-
 miniam, dolorem, ac paupertatem crucis appellat: ſive
 quod hæc eſſent rudimenta quædam & anticipatio, ſeu quaſi
 delibatio eorum quæ poſtea in cruce toleraturus erat; ſive
 quod partes eſſent & quaſi membra crucis illius ſpiritualis,
 quam ab ipſo conceptam in ſe ſuſceptam, per omnem dein-
 ceptam vitam pertulit, de qua eodem in tractatu S. Bernardus:
Paſſionem autem non illum diem appellamus, inquit, quo mor- cap. 5. & 35.
tuus fuit, ſed totam vitam illius. Totæ enim vitæ Chriſti crux
fuit & martyrium. Et ruruſum: *Profeſſo à natiuitatis exor-* cap. 36.
ditio paſſio crucis ſimul exorta eſt. Qua de re nos infra uberius.

Ergo quorū manibus ex utero matris exceptus eſſet, in
 eorum quoque gremio atque complexu mori voluit, inter
 brachia crucis exſpirans in ſumma paupertate, ſummo dolo-
 re, ſummo contemptu: nequã aſignatum ſibi à Patre co-
 mitatum dimitteret, illõve prius quàm vitã ipſã deſtitueret.
 tur.

tur. Quanquam neque jam exanimem, eoque sensui doloris subtractum, comites reliqui continuo destituere visum quando & demortui latus contumeliae patuit, militis lancei temeratum, & adeo nudus rebus omnibus inventus est, ut non nisi in alieno sepulchrum, nec nisi alieno sumptu sepulturam invenerit. Ut hic merito dicamus cum Petro Blesensi:

Serm. 9. *Omniem revolvite vitam Salvatoris ab utero Virginis, usque ad patibulum crucis, non invenietis in eo nisi stigmata paupertatis.*

tom. 1. Opus.
apud VV ad.

Quam in rem etiam S. Franciscus in praecleara oratione ad Christum pro obtinenda vera paupertate, ipsum ait ex collis ad terras descendisse, ut illam posset charitate perpetui desponsare; proindeque eandem vel in ipso utero sociale, cum Christo commercium inchoasse; eandem ipsum et utero in praesepe recepisse; in ipso passionis confictu, eandem Christo velut individuum armigerum astitisse; ipsum denique Christum in ejus sponsae strictis amplexibus animam emisisse, &c.

Decebat nimirum hic comitatus Dei Filium: ut quoniam (quod ait dilectus ei discipulus) *omne quod est in mundo, concupiscentia carnis est, & concupiscentia oculorum, & superbia vitae*; atque ex tribus his eorum qui mundum colligunt omnis vita componitur: e contrario illius vita, qui se se mundo oppositurus, eumque debellaturus advenerat, et rebus directo adversantibus coalesceret, & doloris sensu, concupiscentia carnis, paupertatis amore, concupiscentia oculorum, contemptus desiderio, superbia vitae opprimeretur.

§. 2.

Eosdem tres comites, ei quoque, qui Christum propius sequi desideret, in socios adsciscendos esse.

Atque